

'n Nuwe baadjie, wat netjies pas

Wonderlike idees om afgeremde vertrekke op te kikker en nuut te laat lyk

Projek 1

Aleenlopers se tuistes hoef nie onnet en deurmekaar te wees nie. Hierdie eenmanswoonstel in Fourways, Johannesburg het 'n oopplanontwerp en die eienaar wou graag dat die sitkamer en eetkamer afgebaken word as twee leefruimtes. Daar was boonop te min pakplek waar hy al sy CD's, DVD's, wynbottels en groot versameling Afrika-kuns kon uitstal en wegpak.

Die eienaar het besluit om 'n binneversierder om raad en hulp te vra. Hy het Alida Lambooy gekry om sy woonstel om te tower.

"My idee was om die sitkamer en eetkamer apart te hou, deur verskillende houtsoorte in elke spasie te gebruik. Ek het harmonie tussen die twee ruimtes geskep deur kleure wat mekaar komplementeer (groen, rooi, oranje en bruin) te gebruik en die nodige ontwerp-elemente soos lyn, vorm, ritme en tekstuur te herhaal," verduidelik Alida.

"Ek het die uitleg so beplan dat daar gemaklike beweeg- en loopspasie tussen die twee ruimtes is. Ek wou ook nie die spasie te vol maak nie en het by reguit lyne en ontwerp-elemente gebruik," vertel sy.



Ottomans

Die ottomans van nagemaakte seemsluur van Mr Price Home is 'n veelsydige kopie. Hulle kan gebruik word as 'n koffietafel of as ekstra sitplek.

Stoel

Die kleur en die vorm van die Magaritha-stoel (@homelivingspace) dien as 'n fokuspunt in die sitkamer.

Strooikussings

Verskillende kleure, patrone en groottes verskaf visuele interessantheid. Die materiaal is van Hertext.

Bank

Die L-vormige leerbank van Weylands pas by die vertrek se grootte en styl.

Voor

Die sitkamer vertoon baie onnetjies omdat daar nie pakplek is om losstaande artikels in weg te bêre nie.



Sitkamer na

'n Muureenheid wat die hele muur in die sitkamer beslaan is ontwerp en gebou om die TV, boeke, wyn en ander versamelstukke te akkommodeer. Daar is ook genoeg laaie en kas-spasie om vir nog pakplek te sorg.

Eetkamer na

'n Moderne, dog klassieke voorkoms is gekombineer met Afrika-versamelstukke om die eienaar se persoonlikheid en leefstyl te weerspieël.

Tafel

Die bestaande tafel se pote is afgeskuur en sitbankies is gebou om presies onder die tafel in te skuif as dit nie gebruik word nie. Die bankies se sponskussings is oorgetrek met groen materiaal van Stuart Graham.

Deur

Die antieke deur is ongeveer 300 jaar oud en is in Stone Town, Zanzibar gekoop. Dit is teen die eetkamer-muur gemonteer as fokuspunt.

Stoele

Die gekerfde stoele aan die koppe van die tafel is afkomstig van Tansanië. Die strooikussings is met 'n streep-materiaal van Chelsea Harbour oorgetrek.



Kuns

Kaarte van Afrika-lande, waarin die eienaar gebly het is op die dieselfde groen agtergrond gemonteer en in dieselfde hout-rame geplaas om 'n visuele eenheid te skep.

Voor

Daar is geen kleurskema in die eetkamer nie. Niks pas regtig bymekaar nie en daar is geen styl nie.



Vir meer inligting oor hierdie projek, kontak Alida Lambooy van Living Divani Design & Décor by 011-452-7043 of besoek die webtuiste: www.livingdivani.co.za